

206 che el provedador et altri tornava adrieto, non me parse tempo de poderlo far; et cussi tornai. E per quello io viti, e cussi fo, che una de le galie 6 trasse una bota e tornò *immediate*; et li altri, facendo el suo dever, visto *etiam* l'horò esser abandonati, tornò, per segno che il provedador li feze. Le qual galie fo el Guoro, con doe candiote la remurchiava; *tamen* non dizeti ad alguno. El provedador à fato processo per mandarlo de lì, ma tutti nui li siamo stato a le spale, pregandolo el non fazi, credo non manderà alcuna cossa; sì che el provedador, vedando che l' inimicho non si partiva, ma stava unito, non volse se procedesse più avanti. L' armata inimicha era galie 6, nave 6, di bote 300, galioni 14, le 4 nave grosse era a Porto Venere, bregantini 5; e cadauna nave haveva una galia avanti la remurchiava, et li galioni tutti insieme, vogando tutti a remi, in schiera steva tutti. Sì che, vedando le galie 6 da la banda di ponente, che nui altri venir a la banda di levante, se ne veniva, mostrandone le prove e fazandò de l' armata sua uno C; sì che dentro le artellarie, ma lavorava a la polita, convegniva andar per costa. Tute quelle nave me deserono de tante bote, che non li so el numero; e di questo non sta ben a mi a dirlo, ma si 'l sarà scritto per altri la verità. Dove che le nostre conserve, che da l'altra banda bombardava, tegniva o fosse galie sue, tazete, non dite O, sì che la cossa passò cussi; e si avessamo *etc.*, si averia fato qualche bono effetto. De l'esser ben in hordine non vi dichò O, de artellarie come de homeni, e le do galie bastarde, solo visti tutti con do man de parexi, uno sopra l'altro, e la pope et prova ingaradata. El portamento de quelle 6 galie non sa dir, *tamen*, per altri, che à visto de el Guoro e quelle do che tornò adrieto, le altre à fato el suo dover, qual io, *maxime* Giacomo Michiel sopra tutti. Venissemò via, et el zorno sequente, che fo a dì 9, zonzessemò a Porto Venere; dove che li trovassemo le 4 nave grosse, sorte pocho lontane de la terra. Et parendo nui, per voler far aqua, che niuna de le galie ne haveva, et nè l'horò, ne comenzono a tirar; vedando el provedador, li dete la prova e trase una bota, et io una altra, le bastarde e bastardele ne trasse 3 in 4, venissemò per far aqua, e, pasando, me fo pasado la vella da uno passavolante. Hor, siando per meter in terra per tuor aqua, quelli a la guarda feze di segno, con bombarde, di l'armata inimicha, che a la vella se vedeva; et *immediate* tornassemò adrieto, perchè eramo incolfati nel colfo de le Spezie, et andassemò a una fiumara, lontan da Porto Venere mia 6, et lì se fornissemo, e

se ne venissemò versso Ligorne, dove che li zonzessemò a dì X, siando sorti 6 mia lontan, a la minera. La galia del provedador se partì sola, per andar a la terra, per veder de haver qualche vituarie, azò i non dizesse e sospetasse de niun danno che li vossamo far. Li fo risposo al messo, che venissemò, che per amor dil pontifice nè daria quel vossemo; et *immediate* a la terra andassemò, mandando li nostri scalchi. Non trovono cossa alcuna, e questo i feze *studiose*, perchè era di suo voler de non darne O; ma, quello i haveva fato, feze per paura perchè intendessemò che el zonse el zorno sequente 500 fanti et cavali; come i fonno zonti, traseno; e non ne volse dar nulla. Mandassemò uno bragantin a Pixa, per veder de biscoti; altri non volse darli rechapito. El provedador *immediate* disse di volerse levar, perchè i haveva tutti sentito quel i haveva fato, e deliberò de venir via; ma, per el tempo cativo che era, non podessemò quel zorno partirse. Stessemò doi zorni, ma principalmente per i tempi, che, se avessemo abuto buoni, sesamo venuti a Piombim. Havendo inteso a Porto Venere del zonzere de le galie do bastarde, che el zorno avanti el nostro zonzere lì, *etiam* l'horò bombardò le navè et fezeli gran danno, per relazion de persone partesane de questi zenoexi, che stanno de lì. Questo è il successo del nostro viazo, et la verità del tutto. Mi ho desmentichato una parte. Quando i richiexe essi zenoexi, che tuta l'armata intrasse im porto di Zenoa, oltra quel ò dito, el provedador li disse: Hor, signori, azò vui crediati, che da nui non manchi di el tutto, da mo, e cussi vi prometo, che se vuj intrarete in Zenoa, e ne farete segno de esser intrati, nui con tutte le galie volemo intrar; se mudono de proposito, chome ho dito. Nui siamo per andar a Civita Vechia, per biscoti e altre vituarie, che dil tutto siamo a la fine; et se havemo visto in fuga, che de 4 galie in fuora, primo Giacomo Michiel, Francesco Corner, Zusto Guoro, tuti nui altri non havevamo più onza de biscoto, e l'horò ne è andà dagandone a pocho a pocho; sì che *etiam* l'horò non se ne atrova per doi zorni. E se a Ligorne non ne havessemo trovato da miara 3, avessemo fato mal, sopra una navè, l' avemo pagato ducati uno el ster, eramo desperati. Le galie candiote li fo dato zerti formenti, che fonno tolli sopra la galeaza dil papa; che, se quel non era, convegniva abandonarla. Ben che in vero, cussi come erano bone galie, al presente sono tristissime; sono galie, che non ha homeni doi per banche, è scampati, e che restano in terra per andar a robar, per non aver camise indosso; è una compassion a ve-